

226

H-8°

825

MK

1951.

15

2-й этаж

226
БЕСѢДОВАНІЕ
МАКСИМА ГРЕКА

О
ПОЛЪЗѢ
ГРАММАТИКИ;
СЪ

рисовокупленіемъ: 1.) Сословія именъ
по азъ вѣди, съ полкованіемъ
Славенскимъ; 2.) Толкованія Грам-
матическаго двумъ Молишвамъ:
Царю небесный и Ошче нашъ.



счашано въ Москвѣ, 1782 года.

RECEIVED

AMERICAN

LIBRARY

OF THE

CONGRESS

OF THE UNITED STATES

OF AMERICA

WASHINGTON

1877

NOV 10

1877

AMERICAN

LIBRARY

OF THE

CONGRESS

OF THE UNITED STATES

OF AMERICA

WASHINGTON

1877

NOV 10

1877



1.

Нѣкоего потросившаго съ любо-
труднымъ тщаніемъ, Мак-
сима инока спятыя горы,
яже о Грамматикѣ, и Рито-
рикѣ, и Философіи, о еже яко
да не не извѣститъ ему о сихъ,
пѣ пользу къ любоученію, ра-
зуму его желающу.

Понеже убо яко подобающему
коснувшумися нѣкимъ ма-
новеніемъ, словесное повелѣвая,
чрезъ повелѣваемаго ми, и диве-
стѣ о семъ почюдихся, яко про-
шеніе отъ всепріемлющаго мя
доспѣже, и многоскорбно о семъ
смышляхъ, совѣтуя умъ къ мы-
сли. и по елико вмѣстному и ху-
допріемному разумѣнію моему,
и вины совопросимымъ многаж-
ды созирая, и обрѣстию не воз-
могахъ занеже нипервымъ убо на-
чаша предложити откуду не-
А вѣде,

вѣде, ниже посредѣ со извѣтомъ
 благословнымъ представити :
 конецъ же ми гдѣ и вѣдомъ
 явится.

Максимъ.

Рци убо ми боголюбезне мо-
 лю тя, что ти есть отъ ни
 что же имущаго желая, и кое
 прошеніе востребовася. Вѣси убо
 убожество мое, яко отъсюду
 и весьма всячески пустѣ есмь,
 и ни вмалѣ же что удобнѣй-
 шихъ свѣмъ. Тѣмже убо чуй-
 нѣ услышавъ отъ преблажай-
 шаго ти и англолѣпнаго извѣ-
 щенія. а соборѣ мыслей сотвор-
 ше, вѣ молву преклоньшеся,
 къ любодаровитому душелюбцу,
 негли той услышавъ, за
 святожелаемое ти совопрошеніе,
 и преубожайшій мой безъ от-
 вѣтннй глаголѣ, велемогущею
 своею силою, вѣ слово благо-
 отвѣтнѣ произведетъ.

Вопроси-

Вопроси пый.

Ищу убо сихъ яко слышу
любомудріе бывающее въ чело-
вѣхъ, многочастно и много-
видно сіе въ тѣхъ произносит-
ся: ови бо глаголютъ Грамма-
тикію, друзіиже Риторикію:
иніиже Логікою: глаголютъ же
быти винословну сихъ сущест-
вословію, и преимѣтжеса во
всѣхъ сихъ, всечастнѣйшая Фи-
лософія, вкупѣ же и выше-
естественная богословія. и
много о сей сподражаю, и
со възисканіе велерачительно и-
мамъ, и вины и промысла бла-
говѣстнѣйшаго зѣло обрѣтаю.
рци убо ми не таебнѣ о сихъ
всѣхъ, никое же завистодержно
имѣя въ себѣ непщеваніе.

Максимъ.

Иже убо сихъ обрѣтый въ
коварствѣ, сей благоразумная
и преимѣтѣ въ тѣхъ, веле-
мощное художество сихъ худо-

жествѣ. азѣ же яко видиши мя
невѣжа, и весма поселянинѣ,
и откуду сицевая почерпну,
ихѣ же бо никогда же и слуха
моя вмѣстиста вѣ себе, и не-
прикосновенно ми есть по все-
му образу же и дѣйствию. мое
же вѣдѣніе се есть, любославіе
любосластіе, любострастіе: тѣ-
ми бо тремъ вещьми водимъ
и содержимъ. и се мое ковар-
ство. симѣ же убо не касае-
мымѣ ми, како прикоснуса,
или изглаголю. прости ми, и
остави ми, ничто же отѣ
сихѣ высочайшихѣ могу ти от-
вѣщати.

Вопроси пый.

Мню тя мѣсто вѣ себѣ и-
муша нѣкоея завистодержныя
мѣры, и сего ти не блажую: по-
неже и разумѣвая совопросимая
мною, таевнѣ укрыти пдиши-
ся. благословлю же ти, яко со-
воспріятый отѣ всепробогатаго
ми

ти талантъ отдади, и усугубити и требующимъ ми отъ тебе. блажасбо не ищуемися и онѣхъ вопрошеніе яко и тѣмъ желаютъ приплодіа мзды. ты не разсудную буесть на ся влечиши лѣниваго раба приемшаго талантъ, и въ земли скутавшаго. блюдися даваго ти, якоже и оному испязателя, да некако на тя о иже безмилостный судъ изнесетъ.

Максимъ.

Ими ми вѣру, яко совопрошеніе твое вышеестественно ми есть, прещеніе же страхованія исполнь, и отъ обоюду яко оспыны словесы твоими бодомъ не удобь бо сіе ми отъ тебе благодарно быти вознепщавася, и безотвѣтно слово имѣя, и возотвѣтовати откуда не вѣде, понеже любострастнѣйшихъ сіе чюже есть бохма. паки не къ тому понуди мя молю-

А 3

тисся,

тисся, но имѣй мя отъ сихъ
отглагольна. и вопросы убо
рачителей, иже благоумнѣйше
мене и художнѣйше, и о сихъ
не дреманное око имущихъ и
поучающихся вождельно дни
же и нощи по выну.

Вопроси пый.

Отлучаеши себе богоблагодарнаго сторичнаго воздаянія: лукавѣйша не пщующимся сія отъ тебе, а не смиреномудрая глаголанія: лукаваго же раба и спязанія яже отъ владыки всѣхъ, и ты достойна пріимеши. Отсѣцы отъ себе сей неблагодарный нравъ и жестосердіе, и буди подобяся своему Владыцѣ, и независному даромъ дателью, и предпріятая отъ него вождельвающимъ отъ тебе, водоточно же и независподержно отдавай, и никогда же презирай кого къ тебѣ пришедша, и подобающаго отъ тебе желаю-

желающа. и весьма познай время пріяти ти, и сокровищное хранилище въ словолубезнѣй ти души отключивъ откryши ми.

Максимъ.

Что ти вознепщевася о мнѣ дражайшій о люборачителю: и откуду винословиши воеже ми сія въ себѣ добрѣ преимѣти: и отъ пустоплоднѣйшаго, яко пресладка плода доблеумнѣ вкусити желаеши. когдабо симѣ слышатися о мнѣ, яко любоучиму ми быти, а нелюбоучитися. гдѣ бо и отъ кого сихъ навькнути ми любомудрѣйшихъ отвѣщаніи: едали Аѳінскихъ мудроплетенныхъ обоучительствѣ когда отъ кого научихся, ли онѣхъ чуднѣйшаго хитрословесія насладихся сподража. отъ дѣлѣ ли позналѣ еси, или отъ слуха вѣроятеленѣ бѣяше. во учимыхъ

ли ти показяхся учитель, а
несличный со учащимися учайся.
ей, сихъ самъ зѣло подража-
ваемый люборачитель есмь, и
ищушу ми, и необрѣтающе:
понеже бо преидоша роди отецъ
мудролюбецъ, и открышася чя-
да грѣхлюбецъ.

Вопроси пый.

Еще обдержитъ тя непо-
корственное непослушаніе, и
дивлюся, яко узы неможеша
отлучитися. и любомѣрнѣ не
попуститъ ти, воеже скрытое
въ тебѣ многорачительное лю-
боимѣніе на среду свѣта пред-
ложити, останися убо сего ос-
танися каменносердія, и неу-
добнѣйшаго своего любопрѣнія,
но отверзи, иже имаши въ себѣ
породѣ люботочиваго любоимѣ-
нія. рци ми безъ напыщенія же
и прерѣкованія, отметнувъ бох-
ма всяко не сообразное непше-
ваніе. убо ли о вопросимыхъ ми
отъ

отъ тебе днесь не открывешъ.
 не ктому иже вопрошу тя о
 сихъ, на судъ Господа моего
 съ тобою пойду. блюдися убо,
 да некако заперерѣканіе якоже и
 Моисей не внидеши во обѣтова-
 ніе, но паче приимеши безбла-
 годатное испязаніе.

Максимъ.

Азъ убо спяхъ во изумленіи
 зѣлнѣ, зане тѣсно ми есть опъ-
 всюду: и сія прещенія слышавъ,
 зѣло ужасаюся и препещу: сма-
 тряя же любострастную со-
 вѣсть мою, како къ сему неу-
 добъ постижимому и высокопво-
 ривому совопрошенію ти во опъ-
 вѣтѣ уготовляюся, и откуду
 вину о семъ предостойнѣйшую
 приѣмъ начну повѣстословити.
 обаче чрезъ всю мою надежу
 повергся упованіемъ на незави-
 снаго и всѣмъ даромъ Дателя
 и Спасителя Бога, иже безсло-
 веснаго скоша раздвигшаго уста,

и словесна старца обличивша: негли преестественная его благодать, и моя отверзетъ не достойная уста, и слово силы своя во отвѣтъ предуготовишь, паче же занеразсуднаго послушанія, твоего повелѣнія, и всеблагословеннѣйшія молитвы предприять, и начну вѣщати. обаче бы не вѣ посмѣхъ и поношеніе предъ Богомъ же и предъ тобою, и всѣмъ вѣ позоръ возгласилося. начинай убо молитву твою еже къ Вышнему, о равноангельне, да не паки косненіе будетъ сихъ и тщета безмѣстнаго труда.

Вопроси пый.

Щедръ бо есть и милостивъ Господь, волю боящихся его сотворитъ, и молитву ихъ услышитъ. твое бо есть еже дѣлу начинаніе: молитвѣ же и благословенію, еже о сихъ помощи, тебе же се есть. азъ бо
хошу

хощу начала же и производу
отъ тебе видѣти.

Максимъ!

Ей, есть се твое, еже молит-
вѣ и благословенію о насъ начи-
нанію. аще не ты о сихъ устраби-
шися, не надѣйся отъ мене от-
нюдѣ ни гласа ни послушанія: бо-
хма бо твое есть начинаніе, мое
есть еже отъ тебе сіе воспріати.

Вопроси пый.

Имже убо образомъ воспро-
стру азъ руцѣ мое воеже къ
Вышнему, и возблагословлю пре-
святое имя его: невѣмъ бо вины
начинанія, ниже дѣлу твоему
словотворенія. Вѣдущаго бо пи-
тіе благостройно и удобно есть.
ашели ни, то купнотворнѣй-
шую да возслемъ выпръ мо-
лебнѣйшую пѣснь и моленіе къ
Душелюбцу нашему и Благода-
телю, глаголюще сие: Боже
богомъ, Боже всѣхъ, Боже нашъ
въ помощь нашу воньми, и въ
жела-

желаніе наше поспѣши, и волю свою святую нами сотвори. ей Господи Боже аминь.

Максимъ.

Хощу паки глагола твоего совопросительнаго доблеразумно увѣдѣти, и о нихъ же ти есть требованіе, извѣстнѣйшею бесѣдою изглаголи ми, да не паки въ долгошу время предложится, и косненіемъ ны погибнетъ.

Вопросиый.

Уншественѣйшаго благоразумія, твердопамятнѣйшею върою утвердивъ себе, и во глубину сердца твоего вникнувъ, исчерпи ми словотеченія, сего любомудрія, во еже просимымъ ми отъ тебе сказаніе изнеси. слышахъ бо во мнозѣхъ много-рачительное вышесловіе грамматическующихъ и риторствующихъ, къ симъ же логіствующихъ, и естествословащихъ,
по

по сихъ же философствующихъ,
паче же и богословящихъ. о
сихъ вѣрна вѣдѣнія велерачи-
телствую. нынѣ убо вкупо-
чинно о всѣхъ сихъ сложеніе
составивъ, предложи ми: и что
въ сихъ намъ благодать, ду-
шевныхъ ли свойствъ, или внѣ-
шнихъ прикладъ: сихъ ми сло-
ва и чина, удобнѣйшее слово-
положеніе учинивъ, покажи,
достойная себѣ и достовѣрная.

Максимъ.

Вся любопчелна же и мра-
ви подобная собираеши, паче
же отъ насъ яко отецъ любо-
чаденъ нѣмотованія востребова:
воздражая бо ны, яко да не
косно безумнѣйшимъ терніемъ,
и лядиною непокорства про-
растши, душевное ми свойство
исчезнетъ. азъ же по словеси
твоему бохма всяко завистпо-
держество отвергъ, его же бо
не имѣвъ никогда же, по елику
веле-

велемошная подастѣ благодатѣ
просвѣтителѣ Іисуса, словесную
силу въ сіе вышеестественное,
начинаніе, возглаголю ти, обаче
ими ми вѣру, есть бо се дѣло
вѣло любопрудно, и не требо-
ванну уму непоспихно, о Грам-
матицѣ убо первословіе днесъ
намѣ настоитѣ, о ней же и
глаголѣ предлежитѣ. Грамма-
тикіа есть, начало и конецѣ
всякому любомудрію. отѣ нея
же всяко естество пворитѣся и
естествословитѣся. ей же при-
лѣжай, благоумнѣйшая вся со-
бираетѣ, неудобная же ею по-
знаваетѣ, и непотребная вся
распачаетѣ. сію имѣй, никог-
да въ разумѣ ея глаголаній по-
грѣшаетѣ. сіа руководитель
не блзненѣ во всякое благоче-
стіе. сею умная наша и ду-
шевная чюства состоятѣся. о
сей познавается уставѣ нашего
естества. сіа благоутварная го-
нящимѣю красота. сіа ражаетѣ
души

души не изслѣдная благоразумѣнія. о сей прогоняется отъ тоя любящихъ ю, всяко мраковидное неразуміе. сія вождь къ боговидному смотренію, и предивному и не приступному богословію. сія лѣствица горѣ периваго и небожелаемаго шествія. сія опасѣйшій и твердостойный не мечтаемый умѣ. сія копіе и мечъ на чюжеименное еретичесествующихъ бляденіе. вкупѣ реку, сія зеркало пресвѣтлѣйшее всяческимъ еже въ насъ, и въ нашихъ всѣхъ. сицевая есть всеобразная грамматикія, и тоя уставъ же и чинѣ. нѣсть бо точно сей, яже есть въ свѣтѣ. велика убо и преславна вещь: и дивна ми бываетъ и слышаніемъ, коль же паче тоя разумѣніемъ.

Вопросный.

Но возвѣсти ми о ней же и о сущихъ отъ нея въ предложеніи

женіи пространнѣ. и коимъ образомъ же и дѣломъ состоипся, и количествомъ мѣрится, и качествомъ познавается, и елики части и предѣлы въ себѣ имать: тако же и о Рипорицѣ, и Логицѣ, и о существѣ и естествѣ. и како тѣми въ познаніи бываетъ, честнѣйшая Философія: и отъ той како происходитъ высшее-существенная Богословія: о всемъ благоповѣстно и словодатно и рѣчеточно изъяснивъ предложи, и открывъ покажи.

Максимъ.

Оно убо превеличайшее дѣло же и слово, не достижно ми есть, и зѣло не достижно ми есть, и зѣло выше силы моея, и тонкословно: и нелѣтъ ми изглаголати о семъ. но елико мало словоположникъ всѣхъ Господь, въ наше недоуменіе разума преселитъ, и въ производѣ

водѣ мощи да подастѣ, тольма
 потщався паки изречемѣ. ты
 же паки преподобнѣй си руцѣ
 воздѣвъ помолися, воеже да
 дастѣ ми ся отпрыгнути сія,
 по благовольству души твоея:
 мы же о сихѣ поищемѣ вины.
 Сія убо грамматикія состоитѣ
 ся и глаголетѣся, четвероча-
 стнѣйшими концы: сирѣчь, Ор-
 тографією, и Просодією: Синта-
 ксисомѣ, и Этимологією. слова
 же вѣ сей четверицѣ преимѣетѣ
 осмь; развѣе сихѣ, ничто же
 естъ. Суть же сія: Имя, Рѣчь,
 Причастіе, Различіе, Мѣстоимѣ-
 ніе, Предлогѣ, Нарѣчіе, Союзѣ.
 Сія же, но иного вѣ имя. сло-
 во, частѣ, загадка, прозвище.
 присловіе, слученіе, сладка. И
 овы убо отѣ сихѣ вѣ себѣ сто-
 ятъ: нѣкія же имутѣ вѣ себѣ
 раздѣленія. и симѣ дробнѣй-
 шимѣ нынѣ нѣстъ время. Лѣтъ
 бо ми паки глаголати, да не
 вѣ долгому слово произведетѣ-
 ся,

ся, паки кѢ прежерекомымѢ
приступити, и о ГрамматицѢ,
и о сличныхѢ ей изглаголаши.
Состоится убо сія четвероко-
нечная Грамматикия, осмерич-
ными словоположеній, и пяте-
ричными же паденіи. Подле-
жатѢ же двадесять три под-
утверждаемыхѢ ея, и пятна-
десять животворимыхѢ и дѣй-
ствуемыхѢ ими. отѢ нихѢ же
три царствующихѢ и владѣю-
щихѢ всѣми ими. безѢ нихѢ
же ничто же можетѢ вѢ Грам-
матицѢ состоятися, ниже вѢ
насъ произноситися. Сія же вся
выше вѣщанная, скланяются во-
вся роды и виды, и вѢ составы
и несѣкомая и во всележащая
и соборная всей. Юже бо до-
брѢ водяй, и риторикійствовати
начинаетѢ, познавѢ сея изряд-
ное любомудріе, и красоту слич-
ную кѢ сей присваяетѢ. вся бо
мудроплетенія вѢ томѢ суть.
познавѢ бо образѢ подобающаго
быти,

быти, преизлишественнѣ, яко
благопочивая весна повсюду у-
хаетъ, и пренеизрекомыя и все-
чюдныя красновидныя цвѣты
многообразны и не изочтенны
показуетъ, и всѣхъ зрящихъ
я дивится творитъ. Рипоръ бо
не многопытно творити имать
совзысканіе. не ищетъ отъ
чюжесложныхъ составъ же и
глаголъ, но иже восхощетъ,
всепреложнѣ вѣсть, красоту все-
образную, хитроплетеніе сло-
жное, и воеже подобающее со-
вокупляетъ. Бахма же съ си-
ми и логичесествуетъ, слово бо
сложно и удобъ пріятно по-
казуетъ, вездѣ бо и право и
хитрокознено, преслѣдуя же
слово словесе, право же и опаки
я полагаетъ, яко же волился
ему. количество же и качество
всѣмъ мѣрамъ, и грани подпи-
суетъ, сообразными виды, и со-
противными уставы. и прелоги и
сладки, вкупорядны и вкупочин-

ны и воспященны содѣловаешѣ. не
таишѣ бо ся, еже всякѣ соузѣ и
до тонкорѣчіа, тобо естѣ всѣмѣ
слѣдовомѣ путіе не блазнені.
О сихѣ разумѣй, и виждѣ, яко
здѣ беспогрѣшное существосло-
віе и естесствословіе, вся различія
и мѣсы существа вѣ существо,
или случай вѣ случай, и образѣ
вѣ виды, и виды во образѣ,
или предѣлѣ вѣ предѣлѣ. не
изслѣдимо бо естѣ и не измѣ-
римо подробну все изглагола-
ти. Се уже и блаженныя и все-
честнѣйшія Философіи откры-
тіе, и всеродное тоя проразу-
мѣніе. сіа бо естѣ мати и по-
рода всѣмѣ свободнымѣ хитро-
ствомѣ. Видѣніе бо сея пребла-
женнѣйшія и всепречестнѣйшія
чюдно, слышаніе же дивно. Сіа
бо естѣ высочайшая-любомудрію
вина, и глубочайшая не изслѣ-
димая порода. любопочивый кс-
рень. не любокичивый помыслѣ,
не завистный изліятель. мѣсто
бо-

божественныя благодати сладящее всѣмъ. любостроительствующий, душевныя свойства, и украшающая вся тѣлесная чувства.

Преемъляй ю, всебожествененъ есть, и истакатель всеобщему благоразумію, непогрѣшимое благопеченіе. богосвойственная утварь. не постыдный ко всѣмъ образъ. не завистный люборачитель. выше естественныя и всебоженыя богословіи родитель. Иже убо сія предостойнѣйшая вземъ воспріять любоченія, и свободнѣйшую прошедъ люборачительницу, бохма безъ всякого огреза философии не стыдится. всячески сія чистодѣтельница, преобогашаетъ всякъ умъ, и къ превыспреннѣйшему и крайнему богоразумію же и богословію вводитъ. и всеобразныя твоя велемощнѣйшія силы изрицати подаетъ, всѣмъ не изслѣдимымъ, вся пути и слѣды

показуетъ. Доблеумнѣ же ходяй по сихъ, не заблуждаетъ. Безумный же якоже и азъ бохма отъ сихъ благошественныхъ всѣхъ, внеподобны низсходитъ. Никто же убо сего паки на сія и возводитъ, якоже богословци вѣщаютъ. Сію убо превысочайшую мудрость, богоподобною мыслію прошедъ иже кто, всяко убо вѣщаютъ Святымъ Духомъ, яко же той подаяше имъ. о самомъ выше-небесномъ, яже о исконномъ начало имутъ, яко отъ лица Вышняго богословствуютъ и глаголютъ. Таковъ бо бѣше въ первыхъ, Давыдъ, иже и Богоотецъ наречеся. Потомъ дѣвствующи, дѣвственный Іоаннъ. и Діонусіи небесный орелъ. и Григоріи бодрый умъ. и Златоустый Іоаннъ. и другій Іоаннъ, Дамасково солнце, иже и край всякаго богословія достиже, и еѣкира и оскордъ всякому блженію

денію и ереси показася. и пре-
безмѣрная и бесчисленная ошѣ
присноблаженныя и приснопа-
мятныя своя души, многа
намѣ богословная вѣщанія оста-
вилѣ. Тако же и прочіи вси,
иже богословія образѣ преиму-
щии, сицевыми богоблагада-
ными дары преизлишествовани
бѣша, и преславныхѣ и не по-
стижимыхѣ нами по Духу свя-
тому достигше.

Вопросицы.

И мнѣ убо сія слышавѣ пре-
великая, веліе раченіе, воеже бы-
ми сихѣ вмалѣ вкусити, и то-
гожде дѣйственнѣйшаго дара у-
лучити, яко да и азѣ прошедѣ
Грамматикійское и Риторское и
Логійское любоученіе проразу-
мѣю, всяко существословіе же и
естествословіе, и дочастнѣйшее
любомудріе священные Филосо-
фіи, вкупѣ же и тоя величайшія
Богословіи,

Максимъ.

По нему же послѣдовати
желаеши веледушнѣ, требован-
но убо естъ мнѣйшимъ совѣ-
сканіе сотворити, и собраніе
о нихъ разумно поставити, по
сихъ же къ высочайшимъ уже
достизати. всяко убо сіе дѣло
велико естъ, и собою сихъ пре-
великихъ достигнути нѣсть во-
зможно естъ.

Вопросицы.

Рци убо ми праведнѣйше,
во елицѣхъ днехъ сію разумѣ-
вають, мощно ли временемъ
единѣмъ достигнути сихъ, или
больма. азъ бо желаю не о
себѣ, ни собою сихъ достиза-
ти, и откровенія сущаго ми не
сомнѣною душою пребую, но
на Вышняго весьма себе поме-
таю.

Максимъ.

О семъ убо како не пшуетъ
ся. и кто днесъ сими изо-
било.

билодатель, и добрѣвѣдецъ о-
нѣмъ есть, не изслѣдимымъ
любомудріямъ: Аѳинская бо
любопочительства угасоша, Ел-
линская же любомудрія умол-
коша. Луванія ли убо премуд-
рѣйшаго въ сіе любомудріе
учителя си обрѣте.

Вопроси пый.

Сими мя оскорбляеши гла-
голя, азъ бо не отъ сихъ вра-
зумитися уповаю, но нещую
и тебе сія добрѣводяща, ве-
лика ти отъ Бога благодать
настоитъ, аще отъ первыхъ
и нижайшихъ, къ симъ высо-
чайшимъ, по разуму возведши
мя. и скажи ми паки вопро-
шаю тя о долгомъ еже въ семъ
косненіа любоученію.

Максимъ.

Тѣмже истинствую ти гла-
голя, о боголюбезный любора-
чителю, яко не единовременно

убо сія подається нскрь желяю-
щому, но многихѣ временѣ ко-
снѣніа сей пребуеѣ, и пре-
множайшаго и зѣло люборади-
ваго попа же и пруда. Яко
же великая наша свѣтила,
Василій и Григорій, до три-
десятнаго лѣта во Аѳінскихѣ
учителницахѣ продолжиша: та-
ко же и прочіи медленіемъ вѣ-
семъ себе доволиша, а не при-
косомъ ю пріяша.

Вопроси пый.

Имамъ бо надѣянiе на пре-
блажайшаго и многомилости-
ваго своего смыслодавца и Вла-
дыку Христа, реклѣ бо еѣ
сей всепречистыми своими и не-
ложными усты, яко просяще-
му у мене дамъ, и толкуще-
му отверзу. обаче буди ми
споспѣшникъ вѣ показаніе, не
удобъ ми разумѣваемымъ, да
сугубосложное си воспріимеши
отъ него любодареніе.

Мак-

Максимъ.

Мене ли паки на сіе понуждаеши, во еже ми сими любово-мудрствовати. азъ и самъ и учимыхъ ни на еще не дошедъ, то како инѣхъ возучительствовати дерзну, и къ сему превысочайшему вышесловесному люборачительству приступлю. весма убо се нѣсть дѣло мое, но велика и не поколебима сіе дѣло достойно, и зѣло веледушно и многовременно поща и труда требователно есть.

Вопроси пый.

Яже пріялъ еси отъ Бога, убѣждаю тя именемъ самаго того Спасителя нашего, не таебное показати ми, еже есть всѣяно въ словолюбезной души твоей, да не презорства тяжчайшій судъ подымеши. аще ли же сотвориши ми велелѣпное сіе и преблажайшее, мздовоздательство пріимеши.

Мак-

Максимъ.

О сихъ не лицѣмѣривъ ни презоривъ реку ти, но яко есть истинствовавъ и безъ обиневенія. нѣсть днесь въ родъ нашемъ сей права и достовѣрна разумѣвателя, не изслѣдима бо есть и недовѣдома. Аще кто о сей любомудрствовати уповаесть, но нѣсть ему сего правъ вѣдѣти, но яко о азъ маломъ прикосновеніемъ, ли вѣсть, или не вѣсть. азъ бо понуждаемъ на сіе дерзаю. прочее Богу оставляю, тебе же отъ сего не возражаю, обаче той мощенъ есть, и отъ бездушныхъ и безсловесныхъ, душетворна и словесна сотворити; коль же паче въ насъ мощенъ есть словодатника и словоположника показати, множае убо въ насъ вышестественная содѣловати воленъ есть. ему же слава во вѣки вѣкомъ, аминь.

II.

Сословіе именъ по азб пѣди, спя-
тыхъ сущихъ пѣ спятцахъ, съ
толкованіи Словенска языка.

Аввакумъ, борецъ сильный.
Декабря, 2.

Авдій, рабъ Господень. Но-
емвріа, 19.

Аверкій, дерзновененъ. Ок-
тября, 22.

Авѣвъ, Ноемвріа, 15.

Авѣмъ, Августа, 30.

Авраамъ, отецъ многихъ
народовъ. Октовріа, 9.

Аврамій, богатъ, Октября,
29. Авг. 21.

Агавъ, свѣплый. Апрѣля, 8

Агаѳаггелъ, благовѣстникъ.
Генваря, 23.

Агаѳіа, благая. Февраля, 5.

Агаѳонікъ, благопобѣдный.

Августа, 22.

Ага-

АгаѳоподѢ , благоножный ;
АпрѢля , 5.

Агапіа , ж , любимая . АпрѢ-
ля , 16.

Агапій , любимѢ . Марта ,
15 . Августа , 21.

Аггей , веселый . Декабря , 16.

Агріпіна , проста , Іюніа , 23.

АдамѢ , человѢкѢ , или Зем-
скій .

АдріанѢ , Августа , 26.

Азарій , а , помощь Госпо-
дня . Декабря , 17.

АнѳалѢ , приснорастущѢ . Сен-
тября . 1.

Аѳанасій , безсмертенѢ . Ок-
тября , 24 . Генваря , 18.

АѳиногенѢ , вѢ АѳинѢхѢ ро-
жденѢ . Іюля 16.

Ауксенпій , растителенѢ .
Декабря , 13 . Февраля , 14.

АугономѢ , самозаконникѢ .
Сентября , 12.

Акакій , не злобивый . Ноя-
бря , 29 . Августа , 17.

Аке-

Акепсимѣ , сѣ смѣхомѣ бѣ-
сѣдуй. Ноемвріа , 3.

Акіндинѣ , безбѣдникѣ. Ноя-
бря , 2.

Акутіонѣ , имя чешца. Ап-
рѣля , 21.

Акула , имя Апостолу , бо-
лящій. Іюня , 14.

Акулина , орлица за благо-
рѣчіе. Іюня , 13.

Александрѣ , помощь му-
жественная. Октябрия , 22, Ноем-
вріа , 23.

Александра , ж , запаленіе.
Апріля , 22.

Алексій , пособителенѣ , по-
мощникѣ. Марта , 17.

Алѣмпій , беспечальный. Но-
емвріа , 26.

Амбросій , безсмертный. Де-
кабря , 7.

Амфілохій , отѣ двою рож-
денѣ. Ноемвріа , 23.

Амосѣ , долготерпѣливѣ.
Іюня , 13.

Ан-

АноімѢ, цвѣтнѣй. Сентября, 2.

Антупа, для всѣхѢ, или противенѢ всѣмѢ. Априля, 11.

Антоній, свѣще данѣй. Декабря, 7. Генв. 17.

Анусіа, совершителница. Декабря, 30.

Апфіа, выводячая. Ноемвріа, Феврѣя, 14.

Арееа, добродѣтелнѣй. Октября, 24.

Афеоній, не завистнѣй, Ноемвріа, 2.

АфраатѢ, Генваря, 29.

АфріканѢ, Априля, 10.

Вавула, мятежѢ. Сентября, 4.

Вареоломей, сынѢ замѣшающаго воды. Іюня, 11.

Варсонофій. Октября, 4.

ВисаріонѢ, полнѣй. Ноемвріа, 29. Априля, 6.

Винфантій, потечникѢ. Декабря, 19.

ВакхѢ, провождаѣй. Октября, 7.

Вс-

Вуссонѣ, порѣвра, паволока.
Вуколѣ, волопасѣ. Оевра-
ля, 6.

Валеріанѣ, Сентября 14.

Варахія, сынѣ ученѣ.

Варвара, крѣпка. жен. Де-
кабря, 4.

Варѣ Іона, сынѣ голуницѣ,
Марта, 16.

Варлаамѣ, сынѣ благѣ. Ноя-
бря, 19.

Варварѣ, грубый, неукѣ,
Маія, 6.

Варіисусѣ, сынѣ имени,
дѣянія, 13.

Варнава, сынѣ утѣшенія,
дѣянія, 4 Іюля, 11.

Варсава, сынѣ обращенія.
дѣянія, 1. Декабря, 12.

Варухѣ, благословенный. Іе-
ремій, 32.

Василій, царскій, Генва-
ря, 1.

Василискѣ, Марта, 3.

Васса, ж, обращеніе. Авгу-
ста, 22.

В

Вас-

Вассой, Марта, 6.

Венедіктъ, Лаш. благословенъ. Марта, 14.

Венедімъ. Маіа, 18.

Гавріилъ, мужъ Богъ, или божій. Марта, 26.

Гаій, панъ. дѣянiя, 19.
Ноемвріа, 5.

Галактіонъ, млека полнъ.
Ноемвріа, 5.

Герасимъ, честный. Марта, 4.

Гервасій. Октябрия, 4.

Германъ, крѣпкоуменъ.
Маіа 12.

Георгій, земледѣлецъ.
Априля, 23.

Глукеріа, сладостная. Маіа, 13.

Глѣбъ. Сентября, 5.

Голендуха, Іюля, 12.

Гордій. Генваря, 3.

Гордіанъ. Сентября, 13.

Гурій, присноравенъ. Октябрия, 4. Ноемвріа, 15.

Григорій, остроуменъ, Ноемвріа, 17.

Грам-

Грамматика, добраго писанія и реченія наука, первое ученіе отъ седми свободныхъ художествъ.

Давидъ, добль рукою, или кротость, возлюбленный. 1. царств. 17. Декабря, 26.

Дадъ. Сентября, 29.

Даміанъ, злопиматель. Октября, 17.

Даніилъ, судъ Божій. Декабря, 17. Февраля, 16.

Дарія възвыскающая. Марта, 19.

Димитрій, плодъ земный. Октовріа, 26.

Діогенъ, презацный. Декабря, 5.

Діомудъ, дивенъ совѣтникъ. Августа, 16.

Діонисій, двоеостровный. Октября, 3.

Дометій, свыше дарованный. Октября, 16.

Дометіанъ, домашникъ. Января, 10.

Донатъ, дарованный.

Доровей, даръ Божій.

Дорумедонтъ, копіемъ цар-
ствуя, Сентября, 9.

Домника, Госпожа. Ген. 8.

Евдокіа, благоволеніе. Мар-
та, 1.

Екаперина, надежда истин-
на. Ноемвріа, 24.

Елеазаръ, Божія помощь.
Августа, 1.

Елезвой. Октября, 23.

Елена. Маіа, 23.

Елевѣрій, любочестенъ. Де-
кабря, 15.

Елісей, Богъ спасаая. Ю-
ня, 14.

Елладій, Гречинъ. Маіа, 27.

Елпидіфоръ, надежденосецъ.
Ноемвріа, 2.

Емеліанъ, разуменъ. Ген-
варя, 8. Іюля 2.

Елпидій, надежденъ. Мар-
та, 7.

Епенешъ, хвалебный. римъ
16. Іюля, 30.

Епі-

ЕпімахѢ, ратникѢ силенѢ.
Октября, 31.

Епистиміа, хитрость, ремесло.

Епіфаніа, указаніе, обЪявленіе. отѢ сего день святыхѢ богоявленіи. Генваря, 6.

ЕпіФаній, обЪявленѢ, или славный. Маія, 12.

Епихаріа, всѢмѢ любая.
Сентября, 27.

ЕразмѢ, любый. Февраля. 24.

ЕрастѢ, милый. Ноемвріа, 10.

Ерма, имя Апостолу не скланяемо. АпрѢля, 8.

ЕрміппѢ, речистѢ, конникѢ. Іюля, 26.

Ерміона, ж. Сентября, 4.

Еремій. Маія, 1.

ЕрмогенѢ, речистѢ рожденіемѢ. Сентября, 30. Декабря, 10.

Ермолай, сила людій. Іюля. 26.

Ева, жизнь, животѢ.

Евангеліе. благовѢщеніе, добрая вѢсть.

ЕвангелистѢ, благовѣстникѢ.

Ермѣль, Генваря, 13.

Ерошѣида, ж. Октовріа, 27.

Еванѣіа, ж, Сентября, 1.

Евагріа, щасливое поиманье.

ЕвагріѢ. добръ ловѢ.

ЕувулѢ, добрый рядца.
Ноемвриа, 28.

Евгеній, благороденѢ. Де-
кабря, 13. Генваря, 21.

Евгеніа, благородная. Дека-
бря, 24.

ЕуграфѢ, доброписецѢ. Де-
кабря, 1.

Евдокіа, благоволеніе. Мар-
та, 1.

ЕудокимѢ, благоискусенѢ.
Іюля, 13.

Еудоксій, доброславенѢ. Сен-
тября, 6.

Еудоксіа, доброславная.

Евѣиміа, достохвалная. Но-
емвриа, 19.

Евѣумій, веселый. Генва-
ря, 20.

Еукра-

Еукратій, благодержавный.
Октября, 21.

Евлогій, благословенный. Фе-
враля, 13.

Еуменій, милосердѢ, мило-
стивѢ. Сентября. 18.

Евникіа, благопобѣдная,
Октября, 28.

ЕвнухѢ, скопленный человекѢ.

ЕводѢ, благопутный. Сен-
тября, 1.

Еводиа, добрый запахѢ.
Февраля, 4, 2.

ЕвплусѢ, добрѢ плаватель.
Августа, 11.

ЕвпраксѢ, 11, щасливаа.
Юля, 25.

Еупрепій, благолѣпный.

Еусевій, благочестивѢ. Ю-
ля, 22.

ЕусеонѢ. Априля, 1.

Еустафій, истиненѢ, твердѢ.
Сентября, 20.

Еусполіа.

Еустратій, благѢ воинѢ.
Декабря, 13.

Еутропій , благообразенъ.
Марта , 3.

Еутухіа , щасливаа. Сентя-
бря , 4.

Еутухіанъ , щасливый. Сен-
тября , 2.

Еутухій , благочастливъ.
Августа , 6.

Еуфиміа , благославнаа. Сен-
тября , 16.

Еуфрасіа , учтиваа радость.
Мая , 18.

Еуфросініа , доброе веселіе.
Сентября , 25.

Еуфросінь , радость при-
носящій. Маія , 15.

Еухарісъ , милый веселый.

Еупсυχій , благодушенъ. Сен-
тября , 7.

Еффектъ , изводство.

Ефремъ , плодовитъ. Ген-
варя , 28. Маія , 26.

Захаріа , память Божія Го-
сподня. Сентября , 5.

Зинаіда. Октября , 30.

Зиновій, чистожитель. Ок-
тября, 1.

Зионѣ. Сентября, 6.

Зотикѣ. Сентября, 13. Де-
кабря, 30. Априля, 22.

Зонсѣ. Декабря, 18. Маія, 2.

Зосимѣ, Априля, 17.

Иліа, Божіа крѣпость. Ію-
ля, 20.

Иродіонѣ, спѣваніе. Апри-
ля, 8.

Исаіа, спасѣ Господень.
Маія, 9.

Исхій, безмолвникѣ, мол-
чаливѣ.

Іаддей, зри Келевій. Ав-
густа, 21.

Іалелѣй, цвѣтуши масли-
на. Маія, 8.

Іекла, преславнаа. 24.

Іеогній, Августа, 21.

Іеодосіа, богоданна. Маія, 29.

Іеодосій, божіе дааніе. Ген-
варя, 11.

Іеодотій, богомъ данѣ.
Марта, 2.

ΘεοδοτѢ, благоуханѢ. Мар-
та, 2.

ΘεοдулѢ, божій рабѢ. Октя-
бря, 28.

Θεοдуліа, жен. Февраля,

ΘеодорѢ, божій дарѢ. Сен-
тября. 19. 20.

Θеодора, ж, богодарован-
ная. Сентября, 11.

ΘеоктістѢ, богомѢ созданѢ.
Сентября, 3. 6.

Θеоктістіа, жен. Ноем-
вріа, 9.

ΘеопентѢ, богонареченный.
Генваря, 5.

Θеопрепій, боголѣпѢ, Ав-
густа, 22.

ΘеостиріктѢ, БогомѢ ут-
верженѢ.

ΘеофанѢ, богоявленѢ. Сен-
тября, 9. Октября, 11.

ΘеофілѢ, боголюбецѢ, Де-
кабря, 2. Марта, 6.

ΘеофілактѢ, богомѢ хра-
ненѢ. Марта, 8.

Θера-

Оерапонтѣ, рабѣ угодникѣ.

Маіа, 27.

Оеона, ж, Богѣ. Генваря, 5.

Оурсѣ, жезлѣ, или вѣтвѣ.

Декабря, 14.

Оома, двоякій. Октября, 6.

Іюля, 7.

Іаковѣ, Евр. запинатель.

Октября, 9.

Іамвлихѣ, Октября, 22.

Іаннуарій, Апрѣля, 22.

Іассонѣ, лѣчащій. Априля, 28.

Ігнатіи, честь. Декабря, 20.

Іезекіиль, Іюля, 21.

Іеремій, а, высокость.

Маіа, 1.

Іерофей, освященѣ отѣ Бога.

Октября, 4.

Іисусѣ, избавитель. Сентября, 1.

Іларій, веселый. Іюля, 12.

Іларіонѣ, тихомиренѣ. Октября 21.

Іпполутѣ, конецѣ, разрѣшитель. Генваря 30.

Іринархѣ.

Іриней.

Іриней.

Ірира.

Исаакій, равно врачъ. Апри-
ля, 27.

Исидоръ, желѣзо, или ра-
венъ дары. Февраля, 4.

Исмаиль, выслуханіе Божіе.
Іюня, 17.

Іоакимъ, господское приго-
тованіе, Сентября, 9.

Іоаннъ, Евр благодать Го-
сподня. Сентября, 26.

Іоаникій, благодати полнъ.
Ноября, 4.

Іосафъ, Ноября 19.

Іовъ, пвердъ. Маіа, 6.

Іоиль, любовь Божіа. Октя-
бря, 19.

Іона, голубица. Сентября,
21. Маіа, 27.

Іосифъ, помноженіе. Дека-
бря, 26. Априля, 4.

Вакинеъ, камень яхонтъ.
Іюль, 18.

Упатій, достойнъ, но и
вышшій судіа.

Кал.

Каллінікѣ, добропобѣдникѣ.
Іюля, 29.

Каллистѣ, предобрѣйшій.

Калліста, ж, прелучшая.
Сентября, 1.

Каллістратѣ, добръ воинѣ.
Сентября, 27.

Капетоліна, жен. Октя-
бря, 27.

Капітонѣ, князь. Марта, 7.
Карпѣ, плодовитый. Октя-
бря, 13.

Каріонѣ, орѣхѣ. Декабря, 5.
Касіанѣ, мѣроноситѣ. Фе-
враля, 29.

Келсій, высокій. Октября, 14.
Кинтіліанѣ, Августа, 28.
Іюля, 28.

Кирѣкѣ, отѣ вѣсти. Іюля, 15.
Курѣ, Господинѣ. Генва-
ря, 31.

Купріанѣ, плодѣ зрѣлѣ.
Октября, 2.

Куріакѣ, госпоскій. Сентя-
бря, 29.

Куріакіа, Іюля, 7.

Ку-

КуріллЪ , почтенЪ , или
малЪ господинЪ.

Клаудій, голосЪ, плачли-
вый.

Клаудіа, жена.

КлеонікЪ, славенЪ побѣди-
тель. Марта, 3.

КлиментЪ, покорный, Лаш.
Ноября, 25.

Кондраѣ, Лаш. дѣлатель.
Сентября, 21.

КононЪ, отправа. Марта, 5.

Корнилій, рогЪ, или рогатЪ.
Сентября, 13.

Косма, мирЪ, или украси-
тель. Октября, 12.

КріскентЪ, растущій. Ію-
ля, 30.

КронідЪ, КроновЪ.

КонстантіяЪ, Лаш. твердЪ,
Маіа, 21.

КуартЪ, Лаш. четвертый.

ЛаверЪ, улида тѣсная. Ав-
густа, 18.

Лаврентій, многолюденЪ.
Августа, 10.

Лазарь,

Лазарь , мертвѣ связанѣ.
Октября 17. Ноября , 7.

Левѣ , Царѣ. Февраля , 20.

Леонтій , Ел. львѣй. Фев-
раля , 18.

Леукій , бѣлѣ. Декабря , 14.

Лінѣ , сѣть.

Логгінѣ , долгій. Октября 16.

Лукіанѣ , чюдень. Октяб-
ря , 15.

Лука , Евр. воскрешаяй.
Октября , 18.

Луппѣ , Лат. волкѣ. Ав-
густа , 23.

Лотѣ , обвиненный. Октя-
бря , 9.

Мавра , черна. Маіа , 3.

Макарій , блаженѣ.

Макріна , долгоумна. Ію-
ля , 19.

Макровій. Сентября , 13.

Малахія , Ангелѣ. Генваря , 3.

Мамантѣ , Лат. персѣ.

Мамелхва. Октября , 5.

Мануилѣ , лице Божіе. Ію-
ля , 17.

Мак-

МаксімѢ , славенѢ. Ноем-
вріа , 11. Генваря , 21.

МаксіміліанѢ. Октября , 22.

Мардарій, камень сіятеленѢ.
Декабря , 13.

Маріа , или МаріамѢ, госпо-
жа. Априля , 30.

Маріаміа. Феврала , 17.

Маріна , морскаа. Іюля , 17.

МаркелѢ.

МаркіанѢ ; помыслитель.
Октября , 25.

Марко , совершенѢ. Декабря ,
18. Марта , 29. Априля 25.

МартиніанѢ , свыше свидѣ-
тельствованѢ. Феврала , 13.

Мартирій, исповѣдникѢ, Ок-
тября 25.

Матѣей дарованный. Нояб-
ря , 16.

Матѣій , дарѢ господскій.
Августа , 9.

Матрона, учтиваа. Ноября, 9.

Мееодій , наученѢ хипро-
сти Маія 11. Іюля. 20.

Меланіа , черна лицемѣ. Дека-
бря 31.

Мелетій , поучителенѣ. Фе-
враля , 12.

Мемнонѣ. Августа 29.

Меркурій , проповѣданный.
Ноября 24.

Мина, мѣсячный. Ноября, 11.

Минодора , мѣсячный дарѣ.
Сентября , 10.

Митродора , матерній дарѣ.
Сентября. 10.

Митрофанѣ , матероявленѣ,
Іюня , 4.

Місаилѣ , пожаданный. Дека-
бря , 17.

Михаилѣ , Божій воевода.
Сентября 6.

Міхеа , убогій. Августа. 14.

Миронѣ. Августа , 17.

Мокій , завидецѣ. Маіа , 11.

Моусей , принятый отѣ во-
ды. Сентября , 4.

Назарій , ослученый. Ок-
тября , 14.

Наркісѣ.

НаумЪ, покой, мудрость, честь. Декабря, 1.

Неофѣтъ, новорожденный. Генваря, 21.

НікандрЪ, побѣдный мужЪ. Ноемвріа, 4.

НіканорЪ, Елл. побѣда мужей. Іюля, 28.

Нікіта, побѣдитель. Сентября, 15.

НікіфорЪ, побѣдоносецЪ. Марта, 12.

НикодимЪ, Евр. невинный. Октября, 31.

Нікола, побѣда людская. Декабря, 6.

НіконЪ, побѣдникЪ. Ноемвріа, 7.

Ніфонтъ. Априля, 8.

Нѣмфодора, невѣстный дарЪ: Сентября, 10.

НонЪ, единый, Октября, 8.

Ксенія, странна. Генваря, 24.

Ксенефонтъ, страненъ мужЪ. Генваря, 26.

КсістЪ.

Ксено-

Ксенодохъ, страннопріем-
ный.

Ксѣнонъ, страннопріемни-
ца.

Ольга, зри Елена. Іюля, 11.

Олимпіада, четвертолѣтіе.

Іюля, 22.

Олумбъ, отъ небесъ. Ноем-
брѣя, 10.

Онисѣмъ, пожиточный. Фе-
вралѣя, 10.

Онисѣфоръ, пожитокъ при-
носящій. Ноембрѣя, 9.

Онуфрій, Іюня, 12.

Орестъ, угодникъ Богу. Де-
кабря, 13.

Павелъ, уста трубы. Ію-
ня, 29.

Павлінъ, Маіа, 18.

Пагкратій, всѣми владѣяй.
Іюня, 9.

Паладій.

Памво, Нитріи житель. Ію-
ля, 18.

Пантелеймонъ, Паламонъ.
Іюля, 27.

Пантелеймонъ , всемило-
стивъ. Іюля , 27.

Папула , имя Діакона. Ок-
тября , 13.

Парасковія.

Парамонъ , терптиве прва-
ючій.

Парменъ , чекаючій. Іюля , 25.

Потапій , не поткновенъ.
Декабря , 8.

Патрикій , Маіа , 19.

Патровъ , Елл. отъ чистый.
Ноемвріа , 10.

Павла , жен. Генваря , 3.

ПаФнуцій , Маіа , 30.

Пахомій , толстѣ плечима.
Маіа , 15.

Пелагіа , ближица , пучинная.
Октября , 8.

Петръ , опока отъ опоки.
Іюня , 25. 29.

Пімінъ , пастырь. Авгу-
ста , 7.

Пугасій , криничный , жере-
ловъ.

Пла-

Платонѣ, простѣртѣ, широкѣ. Ноемвріа, 18.

Полвекѣѣ, многомилостивенѣ.

Полукарпѣ, многоплоденѣ. Февраля, 23.

Помплій, Лат. явный. Априля, 10.

Пароеній, дѣвственникѣ. Февраля, 7.

Порфѣрій, багрянѣ, или черменѣ. Февраля, 16.

Провѣ, предводитель. Октября, 12.

Прохорѣ, первостранникѣ, Іюля, 28.

Протерій, первѣйшій. Февраля, 28.

Презвѣтерѣ, старѣйшій священникѣ. зри попѣ.

Прокопій, пресѣченѣ. Іюля, 27.

Протасій, предчинный. Октября. 14.

Просфира, приносѣ, хлѣбѣ въ святой литургіи.

РодіонЪ. Ноября, 10.

Романа, жена.

РомулЪ. Сентября 6. Марта, 15.

РоманЪ, крѣпокЪ. Октября, 1.

РафаилЪ, ДухЪ Божій. АпостолЪ пар. 26. 7.

Риторіка, лѣпоглагольная наука, третіа отЪ свободныхЪ.

Сава, Декабря, вЪ 5, Апріля, 24.

Саватій. Сентября, 27.

СадоеЪ. Октября, 19.

СамуилЪ, положеный отЪ Вога. Февраля, 16.

СамонЪ, яростный. Ноября, 15.

СампсонЪ, солнце его.

СевастіанЪ, чести достойнЪ. Декабря, 18.

СеверіанЪ, округный, Сентября, 9.

СелевкЪ, взрушенный.

СерапіонЪ, Егип. Серафимскій. Марта, 16.

Сергій,

Сергій, Елл. славенѢ. Ок-
тября, 7, и 25.

СеливестрѢ.

СілуанѢ, славенѢ. Іюля, 30.

Сисой, смиренѢ. Іюля, 6.

Соломонія, мирная.

Софія.

Софоній, Декабря, 3.

СпурідонѢ, молніеносецѢ.

СтефанѢ, Елл. вѣнецѢ.

Стефанида, тоже.

СпратоникѢ, воиномѢ по-
бѣда. Генваря, 13.

Сугклипка, сенаторка. Ген-
варя, 5.

Сула, имя апостола. Іюля, 30.

СумеонѢ, знаменіе.

СозонтѢ, спасенѢ спаситель.

СосіпатрѢ, спасаей отецѢ.

Априля, 28.

СосѢ, Априля, 21.

Софроній, цѣломудренный.

Марша, 11.

СілуанѢ, лѣсникѢ дикій.
Іюля, 30.

Тавіа, Свр. серна. дБя-
нія. 9. 36.

Тарасій смущеный. Февра-
ля, 25.

Татіана, повелителница.
Генваря, 12.

Текуса, рождьшая. Маія, 18.

Тереншій, глубокоуменъ.
Октября, 28, Августа, 10.

Тертій, Лат. третій. Ноя-
бря, 10.

Тімошей, богомъ почтенъ.
Генваря, 22.

Тімолай, честь людская.

Тімонъ, честенъ. Іюля, 29.

Тішъ, Елл. учтивый, Ав-
густа, 2. Августа, 25.

Тухонъ, Іюня, 16.

Трофімъ, питатель. Сен-
тября, 19.

Труфонъ, пріемлай дни
благі. Февраля, 30.

Уалентъ.

Уаллеріанъ.

Уаллерій.

Уаръ, покой. Октября. 19.

Урванъ,

УрванѢ, обычайный. Октя-
бря, 31.

Фаіна, жена. Маія, 18.

Фармовѣй, Апрѣля, 11.

ФавстѢ, Сентября, 6.

Февронія, Іюня, 25.

ФіларетѢ, Декабря, 1.

ФілимонѢ, Ноября, 22.

ФіліппѢ, Октября, 11.

Філовей, другѢ божій. Сен-
тября, 15.

ФілологѢ, Ноября, 2.

Філоніла, Октября, 11.

ФілуменѢ, Ноября, 29.

ФлегонтѢ, палящѢ. Апрѣ-
ля, 8.

ФлорѢ, цвѣщенѢ. Авгу-
ста, 18.

Фока, славенѢ. Сентября.
24. Іюля, 22.

Фотій, свѣтелѢ. Октяб-
ря, 28.

Фотинія, Февраля, 26.

Харлампій, радостосіате-
ленѢ. Февраля, 10.

Харітіна, благодаши полна.
Октябръ, 5.

Харітонъ, благодатей исполненъ. Сентябръ, 9.

Хіоніа, снѣжная. Апрѣля, 16.

Хрістіна, Іюля, 24.

Хрістофоръ, Хрістоносецъ.
Маіа, 9.

Хрусанѣъ, златоцвѣтенъ.
Марта, 19.

**Грамматическое истолкованіе мо-
литвы Царю Небесный и Отче
нашъ.**

Царю: Часть первая: имя
собное, по свойству, и по есте-
ству, а не по причастію: отъ не-
уравняемыхъ: рода мужескаго:
вида первообразнаго: числа един-
ственного: начертанія проста-
го: падежа звателнаго: склоне-
нія четвертаго.

Небесный. Часть первая, имя
отъименное, неуравняемыхъ,
третіяго прилагательныхъ раз-
дѣленія. рода мужескаго. вида
производнаго. числа единствен-
наго. начертанія простаго. па-
дежа звательнаго. склоненія пя-
таго.

Утѣшителю. Часть 1 я. имя
собное отъ неуравняемыхъ. ро-
да мужескаго. вида первообраз-
наго. числа единственного. на-
черта-

чертанія простаго. падежа зва-
телнаго. склоненія, 4 го.

Душе. Часть первая, имя
собное отъ неуравняемыхъ. ро-
да мужескаго. вида первообраз-
наго. числа единственнаго. на-
чертанія простаго. падежа зва-
телнаго. склоненія втораго.

Истинный. Часть 1 я, имя
отъименное отъ неуравняе-
мыхъ. рода мужескаго. вида
производнаго. числа единствен-
наго. начертанія простаго. па-
дежа звателнаго. склоненія 5 го.

Иже. Часть 5 я различіе. ро-
да мужескаго. числа единствен-
наго. падежа праваго.

Вездѣ. Часть шестая нарѣчіе.
знаменованія на мѣстѣ къ вопро-
шенію. начертанія простаго.

Сый. Часть третія, при-
частіе, еже во глаголѣ. рода
мужескаго. начертанія проста-
го. числа единственнаго. падежа
праваго. времени настоящаго.
залога средняго.

И

И, Часть осмая, союзѢ. начертанія простаго. знаменова-
ніа сопрягательнаго. чина пред-
лагательнаго.

Вся. Часть первая, имя при-
лагательное. рода всякаго. ви-
да производнаго. числа един-
ственного. начертанія простаго.
падежа виновнаго. склоненія пя-
таго.

Исполняя. Часть 3. я гла-
голѢ дѢепричастный. рода му-
жескаго. числа единственного.
падежа праваго. времени насто-
ящаго. залога дѢйственного.

Сокропище. Часть 1. я, имя
собное. рода средняго. вида
первообразнаго. числа единствен-
наго. начертанія простаго. па-
дежа праваго. склоненія втораго.

Благихъ. Часть первая. имя
прилагательное, неправильнаго
уравненія. рода мужескаго. вида
производнаго. числа множест-
веннаго. начертанія простаго.
падежа роднаго. склоненія 5 го.
И.

И. Часть осмая союзѢ, начертанія простаго. знаменованія сопрягательнаго. чина предлагательнаго.

Жизни. Часть первая, имя нарицательное отѢ неуравняемыхѢ. рода женскаго. вида первообразнаго. числа единственнаго. начертанія простаго. падежа роднаго. склоненія претіяго.

Подателю. Часть первая. имя собное отѢ неуравняемыхѢ. рода мужскаго. вида первообразнаго. числа единственнаго. начертанія простаго. падежа звательнаго. склоненія 4 го.

Принди. Часть 3 я глаголѢ. залога дѣйствительнаго. начертанія сложнаго. вида совершенна, числа единственнаго. лица втораго, наклоненія молительного. времени будущаго, рода всякаго, спряженія перваго.

И. Часть осмая союзѢ, начертанія простаго, знаменованія
ніа

нія сопрягателнаго, чина предлагателнаго.

Вселися. Часть третія глаголѣ, залога дѣйствительнаго. начертанія простаго, вида совершеннаго, числа единствительнаго, лица втораго, наклоненія моли́тельного, времени будущаго. рода всякаго, спряженія втораго.

Вѣ. Часть седмая предлогѣ: по счиненію падежа виновнаго.

Ны. Часть вторая въ мѣсто имени, вида первообразнаго. качества указательнаго, рода всякаго. числа множественнаго, начертанія простаго, лица перваго. падежа виновнаго, склоненія перваго.

И. Часть осмая союзѣ, начертанія простаго. знаменованія спрягателнаго, чина предлагательнаго.

Очисти. Часть третія глаголѣ, залога дѣйствительнаго. начертанія сложнаго, вида совершен-

шеннаго. числа единственнаго, лица втораго. наклоненія молибельнаго, времени будущаго. рода всякаго, спряженія втораго.

Ны. Часть вторая, вмѣсто имени. вида первообразнаго, качества указательнаго, рода всякаго. числа множественнаго, начертанія простаго. лица перваго, падежа виновнаго, склоненія перваго.

Отъ. Часть седмая, предлогъ. по счиненію падежа роднаго.

Всякія. Часть первая, имя прилагательное, отъ неуравняемыхъ. рода женскаго, вида производнаго, числа единственнаго. начертанія простаго, падежа роднаго, склоненія пятаго.

Скперны. Часть первая имя нарицательное отъ не уравниваемыхъ. рода женскаго, вида первообразнаго. числа единственнаго. начертанія простаго. падежа роднаго. склоненія перваго.

И

И: Часть осмая, союзѣ, начертанія простаго, знаменованія сопрягательнаго, чина предлагательнаго.

Спаси: Часть третія глаголѣ. залога средняго, начертанія простаго. вида совершеннаго. числа единственнаго, лица втораго. наклоненія молительнаго. времени будущаго, рода всякаго. спряженія перваго.

Блаже: Часть первая. имя собное, неправильнаго уравнианія. рода мужескаго. вида производнаго. числа единственнаго, начертанія простаго, падежа звательнаго, склоненія пятаго.

Душя: Часть первая. имя нарицательное, отѣ неуравняемыхѣ. рода женскаго. вида первообразнаго, числа множественнаго. начертанія простаго, падежа виновнаго, склоненія перваго.

А

Нашя,

Наша : Часть вторая, вмѣ-
сто имени. вида производнаго,
качества припаятельнаго. рода
женскаго. числа множественнаго,
начертанія простаго, лица пер-
ваго. падежа виновнаго, скло-
ненія четвертаго,

*Сій стихъ , по осмочастному же
разуму рописанъ.*

Отче : Часть первая. имя
собное по свойству и по есте-
ству а не по причастию , не-
уравняемое. рода мужескаго ,
вида первообразнаго , числа
единственнаго. начертанія про-
стаго , падежа звательнаго ,
склоненія втораго.

Нашъ : Часть вторая, вмѣ-
сто имени , вида производнаго.
качества притяжательнаго , ро-
да всякаго , числа множествен-
наго. начертанія простаго , лица
перваго. падежа праваго , скло-
ненія четвертаго.

Иже : Часть пятая , разли-
чїе , рода мужескаго. числа един-
ственнаго , падежа праваго ,

Еси: Часть третія, глаголѣ стропотный. залога средняго, начертанія простаго. вида совершеннаго, числа единственнаго, лица втораго. наклоненія изъяснительнаго, времени настоящаго. рода всякаго, спряженія обоого.

На: Часть шестая, предлогѣ, по счиненію падежа сказательнаго.

Невесѣхѣ: Часть первая, имя нарицательное отъ неуравняемыхѣ, рода средняго, вида первообразнаго, числа множественнаго, начертанія простаго, падежа сказательнаго, склоненія втораго.

Да спятится: Часть третія, глаголѣ, подчинительный. залога отложительнаго, начертанія сложнаго. вида совершенна, числа единственнаго, лица втораго. наклоненія подчинительнаго.

шелнаго , време́не будущаго.
рода всякаго , спряже́нiя второ-
раго.

Имя: Часть первая, отъ не-
уравняемыхъ. рода средняго.
вида первообразнаго. числа един-
ственнаго, начертанiя проста-
го, падежа виновнаго, склоненiя
втораго.

Тло́е : Часть вторая вмѣ-
сто имене. вида производнаго,
качества припяжательнаго. рода
средняго , числа единственнаго.
начертанiя простаго, лица второ-
раго. падежа виновнаго, склоне-
нiя четвертаго.

Да приидетъ : Часть третiя,
глаголъ подчинительный. залога
дѣйствительнаго, начертанiя слож-
наго. вида совершенна , числа
единственнаго. лица втораго,
наклоненiя моли́тельнаго. време-
не будущаго. рода всякаго, спря-
женiя перваго.

Царствіе: Часть первая, имя нарицательное не уравниваемыхъ, рода средняго, вида первообразнаго, числа единственнаго, начертанія простаго, падежа праваго, склоненія втораго.

Тпое: Часть вторая, вмѣсто имени. Писано выше.

Да будетъ: Часть третія глаголѣ подчинительный, залога средняго, начертанія сложнаго, вида совершеннаго, числа единственнаго, лица втораго, наклоненія молибельнаго, времени будущаго, рода всякаго, спряженія перваго.

Воля: Часть первая, имя нарицательное отъ неуравниваемыхъ, рода женскаго, вида первообразнаго, числа единственнаго, начертанія простаго, падежа праваго, склоненія перваго.

Тпоя:

Тлѡя: Часть вторая, вмѣсто имени. вида производнаго, качества прилѣгательнаго. рода женскаго, числа единственнаго, начертанія простаго. лица втораго, падежа праваго, склоненія четвертаго.

Яко: Часть шестая нарѣчіе, вида первообразнаго. начертанія простаго, уравненія положительнаго, знаменованія уподобительнаго.

На: Часть седмая, по счисленію падежа дательнаго.

Небеси: Часть первая, имя нарицательное отъ неуравняемыхъ. рода средняго, вида первообразнаго, числа единственнаго. начертанія простаго, падежа дательнаго, или сказательнаго, склоненія втораго.

И: Часть осмая союзъ, начертанія простаго. знаменова-

ніа сопрягательнаго . чина предлага-
гательнаго.

На : Часть шестая предлогъ,
по счиненію падежа роднаго и
дательнаго и сказательнаго.

Земли : Часть первая, имя
нарицательное отъ неуравняе-
мыхъ. рода женскаго , вида
первообразнаго. числа единствен-
наго , начертанія простаго. па-
дежа сказательнаго , склоненія
перваго.

Хлѣбъ : Часть , первая , имя
нарицательное отъ неуравняе-
мыхъ. рода мужескаго , вида
первообразнаго. числа единствен-
наго , начертанія простаго. па-
дежа праваго , склоненія вто-
раго.

Нашъ : Часть вторая вмѣ-
сто имени. Писано выше.

Насущный : Часть четвер-
тая причастіе , рода мужеска-
го. начертанія сложнаго , числа
един.

единственнаго. падежа праваго, време́не настоящаго, залога средняго.

Даждь: Часть третія глаголѣ стропотный, залога дѣйствительнаго. начертанія простаго, вида совершеннаго, числа единственнаго, лица втораго. наклоненія моли́тельного, время будущее. рода всякаго, спряженія перваго.

Намѣ: Часть вторая, вмѣсто имени, вида первообразнаго. качества указательнаго, рода всякаго, числа множественнаго, начертанія простаго. лица перваго, падежа дательнаго. склоненія перваго.

Днесѣ; Часть шестая, нарѣчіе, вида первообразнаго. начертанія простаго, знаменованія настоящаго.

И: Часть осмая союзѣ, начертанія простаго. знаменованія

Д 5

нія сопрягательнаго, чина предлагабельнаго.

Остати: Часть третія глаголѣ, залога дѣйствительнаго, начертанія простаго. вида совершенна, числа единственнаго. лица втораго, наклоненія молибельнаго. время будущее. рода всякаго, спряженія втораго.

Намѣ: Писано выше.

Долги: Часть первая, имя нарицательное отъ неуравняемыхъ. рода мужескаго, вида первообразнаго. числа множественнаго, начертанія простаго, падежа виновнаго, склоненія втораго.

Наша: часть, вторая вмѣсто имени. качества притяжательнаго. рода всякаго, числа множественнаго. начертанія простаго, лица перваго. падежа виновнаго, склоненія четвертаго.

Якоже:

Якоже: Часть шестая, нарѣ-
че, вида первообразнаго, начер-
танія простаго, знаменованія
уподобительнаго.

И: Часть осмая, соузѣ. на-
чертанія простаго, знаменова-
нія сопрягательнаго. чина пред-
лагательнаго.

Мы: часть вторая, вмѣ-
сто имени. вида совершеннаго,
качества указательнаго. рода
всякаго, числа множественнаго.
начертанія простаго, лица пер-
ваго. падежа праваго, склоненія
перваго.

Остапляемъ: Часть третія,
глаголь залога дѣйствительнаго.
начертанія простаго, вида уча-
стательнаго. числа множествен-
наго, лица перваго. наклоненія
изъявительнаго, времени насто-
ящаго. рода всякаго, спряженія
перваго.

Должникомъ: Часть первая,
имя прилагательное. рода му-
же-

жескаго , вида производнаго. числа множественнаго , начертанія простаго. падежа дательнаго , склоненія пятаго.

Нашимъ : Часть вторая , вмѣсто имени. вида производнаго , качества притяжательнаго. рода всякаго , числа множественнаго. начертанія простаго , лица перваго , падежа дательнаго , склоненія четвертаго.

И : Часть осмая , союзъ , начертанія простаго. знаменованія сопрягательнаго , чина предлагательнаго.

Не : Часть шестая , нарѣчіе , вида первообразнаго. начертанія простаго , степень уравненія положительнаго. знаменованія отрицательнаго.

Впеди : Часть третія , глаголъ , залога дѣйствительнаго. начертанія простаго , вида совершеннаго , числа единственнаго.
лица

лица втораго. наклоненія моли-
тельного , време́не будущаго.
рода всякаго , спряженія пер-
ваго.

Насъ: Часть вторая, вмѣ-
сто имени. вида первообразнаго,
качества указательнаго. рода
всякаго , числа множественнаго.
начертанія простаго , лица пер-
ваго. падежа виновнаго , скло-
ненія перваго.

Во: Часть шестая, пред-
логъ, по счиненію падежа да-
тельного и сказательнаго.

Искушеніе: Часть первая,
имя отъ глагола , рода средня-
го. вида производнаго. числа
единственнаго , начертанія про-
стаго. падежа виновнаго , скло-
ненія втораго.

Но: Часть осмая, союзъ,
начертанія простаго. знамено-
ванія противительнаго , чина
предлагательнаго.

Изъводи:

Избави: Часть третія глаголѣ. залога дѣйствительнаго, начертанія простаго, вида совершенна. числа единственнаго. лица втораго. наклоненія молибельнаго, времени будущаго, рода всякаго, спряженія втораго.

Насѣ: Писано выше.

Отѣ: Часть шестая, предлогѣ. по счиненію падежа роднаго.

Лукапаго: Часть первая, имя прилагательное. рода мужескаго, вида производнаго. числа единственнаго. начертанія простаго. падежа роднаго, склоненія пятаго.

Сице вся божественнаго Писанія, реченія и слова, и виѣшнихъ бесѣдованіи словеса, яже предано отъ Бога уму человѣчю разсуждати, и языку глаголати, частями сими осмію разводи, и родами разбирай, и
виды

виды указуй, и числа разска-
зывай, и начертанія обѣявляй,
и падежи узнавай, и склоненія
незабывай, и залогі и времена
разсуждай, и качества роспи-
сывай съ люботруднымъ тща-
ніемъ, аще хощєши извѣстно
вѣдати осмочастный разумъ.
внѣ бо сихъ, ничтоже есть, и
немошно слова изъяснити безъ
сихъ, якоже рече Іоаннъ дама-
скинъ.

КОНЕЦЪ.



РОССИЙСКАЯ
ГОСУДАРСТВЕННАЯ
БИБЛИОТЕКА

30311-0

1. The first part of the report is devoted to a description of the general situation of the country. It is found that the country is generally fertile and well cultivated. The principal crops are wheat, corn, and cotton. The climate is generally mild and healthy. The population is increasing rapidly. The government is well established and the laws are strictly enforced. The commerce is flourishing and the trade is increasing. The country is well governed and the people are happy and contented.

Conclusion

Ans 2022

